

**MESYUARAT PERTAMA PENGGAL KETIGA
DEWAN UNDANGAN NEGERI PULAU PINANG
YANG KEEMPAT BELAS
17 APRIL 2020**

PERKARA : 5(B)(XXIII)14

**SOALAN BERTULIS OLEH AHLI KAWASAN TELOK AYER TAWAR
YB. MUSTAFA KAMAL BIN AHMAD**

14. Apakah langkah pemberian pukat 2 kali dalam setahun untuk nelayan pantai diteruskan oleh Kerajaan Negeri Pulau Pinang?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

14. Kerajaan Negeri telah memulakan program bantuan kepada nelayan pesisir pantai sejak tahun 2013. Bermula pada tahun 2013 sehingga 2016, Kerajaan Negeri telah meluluskan pemberian bantuan pukat sebanyak dua (2) banah seorang bagi tempoh setahun kepada nelayan pesisir pantai Negeri Pulau Pinang.

Walau bagaimanapun, berikutan pelbagai rungutan berkenaan pukat yang dibekalkan tidak menepati keperluan dan kehendak nelayan, bermula pada tahun 2017 hingga 2019, Kerajaan Negeri telah bersetuju untuk meneruskan program ini melalui kaedah pemberian baucar bernilai RM400.00 sekali setahun. Program ini memanfaatkan golongan nelayan pesisir pantai untuk menebusguna baucar yang disumbangkan dengan peralatan dan perkakasan bagi aktiviti perikanan seperti berikut:

- (a) Semua jenis pukat;
- (b) Tangkul udang lipan;
- (c) Tangkul ketam;
- (d) Tali pukat;
- (e) Benang jahit pukat;
- (f) Tong ikan;

- (g) Dawai mata punai (bubu);
- (h) Mata kail (rawai); dan
- (i) Pelampung;